

SLUŽBENI LIST

REPUBLIKE BOSNE I HERCEGOVINE

**СЛУЖБЕНИ ЛИСТ**

РЕПУБЛИКЕ БОСНЕ И ХЕРЦЕГОВИНЕ

Godina III - Broj 11

Subota, 14. maja/svibnja 1994.
SARAJEVOZa svaki broj posebno se
utvrđuje cijena
Žiro-račun 10100-603-1396**218**

Na osnovu Amandmana LI tačka 5. sta 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

**UREDBU SA ZAKONSKOM SNAGOM
O IZMJENAMA UREDBE SA ZAKONSKOM SNAGOM
O KUPOVINI I PRODAJI ODREĐENIH ROBA I ZA
STRANA SREDSTVA PLAĆANJA**

Član 1.

U članu 11. Uredbe sa zakonskom snagom o kupovini i prodaji određenih roba i za strana sredstva plaćanja ("Službeni list RBiH", broj 22/93), riječ "šest" zamjenjuje se riječju "devet".

Član 2.

Ova uredba stupa na snagu danom objavljivanja u "Službenom listu RBiH", a član 1. primjenjivat će se od 9. maja 1994. godine.

PR broj 1648/94
5. maja 1994. godine
Sarajevo

Predsjednik
Predsjedništva RBiH,
Alija Izetbegović, s. r.

219

Na osnovu Amandmana LI tačk. 5. i 3. na Ustav Republike Bosne i Hercegovine i člana 16. Uredbe sa zakonskom snagom o obrazovanju i radu okruga ("Službeni list RBiH", br. 12/92, 14/92, 18/92, 3/93 i 22/93), Predsjedništvo Republike Bosne i Hercegovine, na sjednici od 5. maja 1994. godine, donijelo je

ODLUKU

**O IZBORU RATNOG PREDSEDNIŠTVA
SKUPŠTINE OPŠTINE LJUBINJE**

I

Obrazuje se ratno predsjedništvo Skupštine opštine Ljubinje.

Zadaci Ratnog predsjedništva Skupštine opštine Ljubinje utvrđeni su odredbama člana 176. Ustava Republike Bosne i Hercegovine ("Službeni list RBiH", broj 5/93) i odredbama Uredbe sa zakonskom snagom o obrazovanju i radu okruga.

II

U Ratno predsjedništvo Skupštine opštine Ljubinje biraju se:

1. SALMAN MIRSAD, za predsjednika Predsjedništva
2. PELKO AHMET, za člana
3. ŠUSTRA AHMET, za člana
4. PREMILOVAC MIRSAD, za člana
5. VLADOVIĆ ŠERIF, za člana.

III

Ovu odluku objaviti u "Službenom listu RBiH".

Broj 02-111-354/94
5. maja 1994. godine
Sarajevo

Predsjednik
Predsjedništva RBiH,
Alija Izetbegović, s. r.

220

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 5. maja 1994. godine, donijelo je

ODLUKU

**O RAZRJEŠENJU I IZBORU SUDIJA REDOVNIH
SUDOVA**

I

Razrješava se dužnosti sudije Osnovnog suda u Konjicu MURATBEGOVIĆ AMRA, radi samovoljnog napuštanja dužnosti i nedolaska na posao.

II

Razrješava se dužnosti sudije Osnovnog suda u Konjicu NIŠTOVIĆ MELČA, na lični zahtjev.

III

Razrješava se dužnosti sudije Osnovnog suda u Tuzli VUČKOVIĆ DUŠAN, radi samovoljnog napuštanja dužnosti i nedolaska na posao.

IV

Razrješava se dužnosti sudije Osnovnog suda u Tuzli IMAMOVIC GORANA, radi samovoljnog napuštanja dužnosti i nedolaska na posao.

V

Razrješava se dužnosti sudije Osnovnog suda u Tuzli VRANJKOVINA FIKRETA, radi odlaska na drugu dužnost.

VI

Razrješava se dužnosti sudije Osnovnog suda u Tuzli HANHODŽIĆ ZIJAD, radi odlaska na drugu dužnost.

VII

Za sudiju Osnovnog suda u Konjicu bira se SMAILOVIĆ MIRA, dosadašnji stručni saradnik u Vojnom javnom tužilaštvu Mostar (u Konjicu).

VIII

Za sudiju Osnovnog suda u Konjicu bira se KEREŠ AZRA, dosadašnji sekretar Izvršnog odbora opštine Konjic.

IX

Ovu odluku objaviti u "Službenom listu RBiH".

Broj 02-011-355/94
5. maja 1994. godine
Sarajevo

Predsjednik
Predsjedništva RBiH,
Alija Izetbegović, s. r.

221

Na osnovu člana 44. stav 1. Uredbe sa zakonskom snagom o Vladi Republike Bosne i Hercegovine ("Službeni list RBiH", broj 25/93), Vlada Republike Bosne i Hercegovine, donosi

ODLUKU

O IZGRADNJI MAGISTRALNOG DIGITALNOG RADIO-RELEJNOG SISTEMA MOSTAR-SARAJEVO-ZENICA-TUZLA

I

Odobrava se izgradnja magistralnog digitalnog radio-relejnog sistema veza na pravcu Mostar-Sarajevo-Zenica-Tuzla sa početnim kapacitetom od 1920 kanala.

II

Radovi na izgradnji radio-relejnog sistema veza iz tačke I ove odluke počinju odmah, a krajnji rok završetka radova je 31. decembar 1994. godine.

III

Nosilac poslova je Javno preduzeće PTT BiH i Javno preduzeće RTV BiH.

IV

Za projektovanje i izradu investiciono-tehničke dokumentacije odobrava se 30.000 DM preko Direkcije telekomunikacija.

V

Ova odluka objavljena je na oglasnoj tabli Vlade RBiH dana 4. maja 1994. godine kada je i stupila na snagu, a objavit će se u "Službenom listu RBiH".

V broj 93/94
4. maja 1994. godine
Sarajevo

Predsjednik
Vlade RBiH,
dr Haris Silajdžić, s. r.

222

Na osnovu člana 3. stav 1. Zakona o naknadama za korišćenje podataka i vršenja usluga u oblasti premjera i katastra nekretnina ("Službeni list SRBiH", br. 35/85 i 12/87 i "Službeni list RBiH", broj 4/93), Vlada Republike Bosne i Hercegovine, donosi

ODLUKU

O IZMJENAMA ODLUKE O VISINI NAKNADE ZA KORIŠĆENJE PODATAKA PREMJERA I KATASTRA NEKRETNINA

I

U Odluci o visini naknada za korišćenje podataka premjera i katastra nekretnina ("Službeni list SRBiH", br. 41/89, 7/90, 43/90, 22/91 i 6/92 i "Službeni list RBiH", br. 19/92, 7/93 i 14/93) Tarifa koja je sastavni dio Odluke mijenja se i glasi:

TARIFA

NAKNADA ZA KORIŠĆENJE PODATAKA PREMJERA, KATASTRA NEKRETNINA, KATAST ZEMLJIŠTA I VRŠENJA USLUGA

A. Naknada za korišćenje podataka

1. Geodetska osnova

Tarifni broj 1.

	Plaća se c
a) za podatke triangulacije svih redova i poligonometrije koja zamjenjuje triangulaciju, po tački	1.950.
b) za podatke nivelmana svih redova uključivo i gradske nivelmanske mreže, po reperu	1.000.
c) za podatke mreže veznih tačaka, po tački	1.410.
d) za podatke mreže poligonskih tačaka, po tački	1.000.

Napomena: Naknada se odnosi na tačku odnosno reper obzira na to da li sadrži samo koordinate, koordinate i vi položajni opis ili sve podatke.

2. Planovi

Tarifni broj 2.

a) za planove na kartografskom papiru:	
1. razmjere 1:1000 i 1:500, po listu	3.000.0
2. razmjere 1:2500 formata 45×60 cm po listu	2.700.0
3. razmjere 1:2500 format 60×90 cm, po listu	5.400.0
4. razmjere 1:5000, po listu	7.500.0
5. razmjere 1:6250, 1:3125 i 1:1562,5 stari austrougarski premjer, po listu	750.0
6. razmjere 1:10.000 format 45×60 cm po listu	3.000.0
7. razmjere 1:10.000 format 45×30 cm po listu	1.500.0

b) za planove na providnom papiru:

Za sve proizvode pod brojem 1 do 7 tačke a) naknada po listu povećava se za 100%.

3. Karta

Tarifni broj 3.

a) za kartu na kartografskom papiru:	
1. razmjere 1:5000, po listu	7.500.0
2. razmjere 1:10.000, po listu	9.000.0
3. topografska karta razmjere 1:25.000 (potpun sadržaj-četverobojni tisak), po listu	2.100.0
4. topografska karta razmjere 1:25.000 (potpun sadržaj-sivi tisak), po listu	1.500.0
5. topografska karta razmjere 1:25.000 (reljef i hidrografija), po listu	1.000.0
6. topografska karta razmjere 1:200.000 (potpun sadržaj-četverobojni tisak), po listu	3.000.0
7. topografska karta razmjere 1:200.000 (potpun sadržaj-sivi tisak), po listu	2.100.0
8. karta katastarskih općina RBiH razmjere 1:300.000 slijepljena sa lajsnama	3.000.0
9. karta katastarskih opština RBiH razmjere 1:300.000 u listovima	2.100.0
10. karta naseljenih mjesta RBiH 1:200.000 kaširana sa lajsnama	22.500.0
11. karta naseljenih mjesta RBiH 1:200.000 u listovima	15.000.0
12. karta RBiH razmjere 1:1.000.000	2.250.0
13. karta "Skica podjele na listove" razmjere 1:100.000, po listu	4.500.0

b) za karte na providnom papiru:

Za sve proizvode pod brojem 1-7 tačke a) naknada po listu povećava se za 100%.

PODATAKA
INA, KATASTRA
SLUGA

Plaća se dinara
va i poligono-
tački 1.950.000.-
uključivo i
1.000.000.-
po tački 1.410.000.-
ka,
1.000.000.-
ku odnosno reper, bez
e, koordinate i visinu,

3.000.000.-
2.700.000.-
5.400.000.-
7.500.000.-
750.000.-
3.000.000.-
1.500.000.-

7 tačke a) naknada

7.500.000.-
9.000.000.-

2.100.000.-

1.500.000.-

1.000.000.-

3.000.000.-

2.100.000.-

3.000.000.-

2.100.000.-

22.500.000.-

15.000.000.-

2.250.000.-

4.500.000.-

e a) naknada po listu

4. Kopije planova

Tarifni broj 4.

a) za kopije planova na neprovidnom papiru:

1. razmjere 1:1000 i 1:500, po listu 2.100.000.-
2. razmjere 1:2500 format 45×60 cm, po listu 2.250.000.-
3. razmjere 1:2500 format 60×90 cm, po listu 4.500.000.-
4. razmjere 1:5000, po listu 6.300.000.-
5. razmjere 1:10.000 format 45×60 cm, po listu 2.100.000.-
6. razmjere 1:10.000 format 45×30 cm, po listu 1.050.000.-

b) za kopije planova na providnom papiru:

Za sve proizvode pod brojem 1-6 tačka a) naknada po listu povećava se za 100%.

5. Kopije karata

Tarifni broj 5.

a) za kopije karata na neprovidnom papiru:

1. razmjere 1:5000, po listu 6.300.000.-
2. razmjere 1:10.000, po listu 7.500.000.-
3. karta RBiH razmjere 1:1.000.000 1.410.000.-
4. karta podjele Republike na katastarske opštine razmjere 1:150.000, po listu 2.100.000.-
5. karta "Skica podjele na listove" razmjere 1:100.000, po listu 2.100.000.-

b) za kopije karata na providnom papiru:

Za sve proizvode pod brojem 1-7 tačka a) naknada po listu povećava se za 100%.

Napomena uz Tarifni broj 2-5

1. Za korišćenje planova i karata koji nisu puni detalja, naknada se plaća srazmjerno površini lista pod detaljom, i to 1/4, 1/2 ili 3/5 tarife za cijeli list.

2. Kada se pored kopija na kartografskom papiru uzimaju kopije od istih listova na ozolid papiru, za kopije na ozolid papiru ne naplaćuje se naknada za korišćenje podataka preim-jera.

3. Naknada za kopije planova i karata naplaćuje se isto bez obzira da li kopija sadrži samo horizontalnu ili horizontalnu i visinsku predstavku terena.

6. Foto kopije

Tarifni broj 6.

Za korišćenje snimaka fotogrametrijskog snimanja, po snimku

1.050.000.-

7. Kopije detalja sa planova

Tarifni broj 7.

a) za kopije detalja sa planova naknada se plaća po broju poe-na, i to:

1. do 10 poena 510.000.-
2. za svaki dalji poen preko 10 poena 120.000.-

b) za kopije detalja sa planova kada se radi o većim objekti-ma i parcelama, za koje nije moguće primjeniti način obračunavanja naknada, naknada za korišćenje se obračuna-va prema potrebnom vremenu za kopiranje, po satu

1.050.000.-

c) ako se kopije planova izrađene u smislu tačke a) i b) ovog Tarifnog broja dalje umnožavaju bilo kojom tehnikom, naknada za korišćenje podataka na ovim kopijama se ne plaća.

d) Izvodi sa magnetnih traka ili diskova, katastra zemljišta, i to:

1. za parcelu 30.000.-
2. za posjednika 45.000.-
3. za nosioca prava na nekretninama 45.000.-

c) Izvodi iz uspostave nove evidencije katastra nekretnina, i to:

1. za posjednika 45.000.-
2. za parcelu 30.000.-
3. za zgradu 21.000.-

Napomena uz Tarifni broj 7.

1. Pod brojem pocna podrazumijeva se zbir broja decime-tarskih kvadrata kopiranog detalja pomnožen sa 6, broja par-cela i broja objekata.

2. Površina ispod jednog kvadratnog decimetra računa se kao cio kvadratni decimetar.

3. Naknada po tački a) pod 1. i 2. računa se odvojeno za svaki lokalitet.

4. Kada se kopira i visinska predstava terena, naknada se povećava sa 100%.

5. Nezatvorene parcele smatraju se kao cijele parcele.

8. Statistički podaci

Tarifni broj 8.

a) za podatke o površinama, parcelama i kulturama kao i o katastarskom prihodu, i to:

1. za katastarsku općinu 7.500.000.-
2. za područje općine zbirni podaci 10.500.000.-
3. za teritoriju RBiH zbirni podaci 13.500.000.-

9. Indikacione skice i fotokopije planova

Tarifni broj 9.

a) samostalni geodetski privrednik ili preduzeće plaća za jedan dan korištenja, i to:

1. za indikacionu skicu, po skici 300.000.-
2. za fotokopiju planova razmjere 1:6250, 1:3125 i 1:1562,5, po planu 300.000.-

B. Naknada za usluge

Tarifni broj 10.

Naknada za usluge naplaćuje se:

a) za kopije podataka geodetske osnove iz Tarifnog broja 1. u iznosu 10% od visine naknade utvrđene za korišćenje podataka iz tačke a) Tarifnog broja 1.

b) naknada za kopiranje i materijal za izradu kopije planova i karata nije obuhvaćena ovom Tarifom, a plaća se po cijeni koštanja koju formira ustanova ili preduzeće koje vrši te usluge.

c) ako korisnik obezbijedi materijal (transparent, folareks ili ozolid naknada za usluge umanjuje se za 50%.

II

Ova odluka stupa na snagu danom objavljivanja u "Službe-nom listu RBiH".

V. broj 94/94
11. maja 1994. godine
Sarajevo

Potpredsjednik
Vlade RBiH,
mr Edib Bukvić, s. r.

223

Na osnovu člana 44. stav 2. Uredbe sa zakonskom snagom o Vladi Republike Bosne i Hercegovine ("Službeni list RBiH", broj 25/93), Vlada Republike Bosne i Hercegovine, donosi

RJEŠENJE

O IMENOVANJU DELEGATA REPUBLIKE BOSNE I
HERCEGOVINE U MEĐUNARODNOM UREDU ZA
ZARAZE SA SJEDIŠTEM U PARIZU

Za delegata Republike Bosne i Hercegovine u Međunarod-nom uredu za zaraze sa sjedištem u Parizu imenuje se dr ALIJA
ČERIMIC.

Ovo rješenje objaviti u "Službenom listu RBiH".

V broj 96/94
11. maja 1994. godine
Sarajevo

Predsjednik
Vlade RBiH,
dr Haris Silajdžić, s. r.

224

Na osnovu člana 52. stav 3. Uredbe sa zakonskom snagom o šumama ("Službeni list RBiH", broj 23/93), Ministarstvo privrede, donosi

PRAVILNIK

O SADRŽAJU I IZDAVANJU OTPREMNOG ISKAZA ZA DRVO

Član 1.

Ovim pravilnikom reguliše se sadržaj, izrada, način registracije i izdavanja otpremnog iskaza za šumske drvene proizvode kada se stavljaju u promet.

Član 2.

Otpremni iskaz je jedini valjani dokument kojim se dokazuje porijeklo, vlasništvo, kupac, mjesto utovara i istovara, način i vrijeme prevoza i vrsta šumskih drvnih proizvoda koji se stavljaju u promet.

Član 3.

Otpremni iskaz sadrži:

- naziv pravnog lica koje gospodari državnim šumama i opština;
- naziv radne jedinice, gospodarske jedinice i odjel;
- naziv građansko-pravnog lica;
- prezime, ime i ime oca vlasnika šume, naziv šume, mjesto i opština;
- serijski broj i broj otpremnog iskaza;
- registarski broj bloka;
- mjesto, datum i vrijeme utovara;
- naziv pravnog lica za koga se drvo prevozi;
- prezime, ime i ime oca kupca;
- broj ugovora o kupovini ili odobrenja za kupovinu drveta;
- vrsta i registarski broj transportnog sredstva;
- pravac prevoza;
- mjesto istovara;
- broj i datum uplatnice;
- rok važnosti otpremnog iskaza;
- vrsta drveta i proizvoda - za tehničko - dužina, prečnik i zapremina svakog komada, a za cijepano - samo zapreminu u kubnim metrima;
- broj šumskog čekića i boja;
- rok produžetka važnosti otpremnog iskaza;
- pečat, potpis ovlaštenog lica koje je drvo izdalo;
- potpis lica koje je drvo preuzelo, odnosno kupca;

Član 4.

Za otpremu tehničkog oblog drveta otpremni iskaz se izrađuje na formatu 12×28 cm, a za cijepano drvo na formatu 12×20 cm. Otpremni iskaz se štampa u blokovima koji sadrže po 25 otpremnih iskaza u po četiri primjerka.

Član 5.

Bloкови otpremnih iskaza registruju se u poseban registar strogo zaračunljivih dokumenata.

Registar blokova otpremnih iskaza za šumske drvene proizvode iz državnih šuma vodi pravno lice koje gospodari državnim šumama, za šumske drvene proizvode iz ostalih državnih šuma građansko-pravnih lica, a za šumske drvene proizvode iz šuma na kojima postoji pravo vlasništva opštinski organ nadležan za poslove šumarstva ili ovlašteno pravno lice.

Bloкови otpremnih iskaza moraju biti ovjereni pečatom i obrojčani za svaku kalendarsku godinu sa prvim brojem bloka jedan. Na kraju svake kalendarske godine registar blokova se zaključuje sa posljednjim brojem izdatog bloka.

Neiskorišteni blokovi se vraćaju i preregistruju za narednu kalendarsku godinu.

Iskorišteni blokovi sa po jednim primjerkom svakog otpremnog iskaza vraćaju se u nadležnu službu koja je izvršila zaduživanje, razdužuju se i pohranjuju na čuvanje.

Blokovima otpremnih iskaza zadužuju se lica koja vrše poslove otpreme šumskih drvnih proizvoda.

Gubitak, zloupotreba, kao i nepotpuno i netačno popunjavanje otpremnog iskaza predstavlja težu povredu radne obaveze.

Član 6.

Za šumske drvene proizvode koji potiču iz državnih šuma otpremni iskaz izdaje pravno lice koje gospodari šumama, a za šumske drvene proizvode iz šuma na kojima postoji pravo vlasništva u svojini građana ili građansko-pravnih lica, opštinski organ nadležan za poslove šumarstva ili ovlašteno pravno lice, odnosno lice koje gospodari šumama u državnom vlasništvu na tom području.

Za šumske drvene proizvode koji se prevoze na preradu otpremni iskaz se izdaje na osnovu ugovora ili dispozicije, a za proizvode koji se stavljaju u promet putem maloprodaje na osnovu uplatnice ili original potvrde o potrebi kupovine tehničkog oblog drveta za neposredne potrebe domaćinstva.

Najduži rok važnosti uplatnice je 30 dana, a potvrde o potrebi kupovine tehničkog drveta 90 dana od dana izdavanja.

Član 7.

Otpremni iskaz se izdaje na količinu šumskih drvnih proizvoda koji se prevoze jednim prevoznim sredstvom.

Otpremni iskaz se izdaje za šumske drvene proizvode koji potiču od sječe stabala koja su prethodno bila obilježena za sječu (doznaka), za sortimente za koje je izvršen prijem, koji su žigosani i obrojčani i za koje je izvršena uplata.

Za šumske drvene proizvode koji potiču od bespravno posječenih stabala ili su bespravno stavljeni u promet i žigosani šumskim čekićem sa oznakom: "Šumski kvar (SK)" otpremni iskaz se ne izdaje.

Otpremni iskaz se izdaje i za drvene proizvode koji potiču od stabala posječenih na poljoprivrednim zemljištima, međama i ostalim nasadima, kada se stavljaju u promet.

Član 8.

Otpremni iskaz se popunjava u četiri primjerka od kojih se jedan uručuje licu koje preuzima šumske drvene proizvode, odnosno kupcu, jedan primjerak ostaje u bloku otpremnih iskaza, a dva primjerka otpremnog iskaza služe za potrebe Službe pravnog lica odnosno opštinskog organa uprave nadležnog za poslove šumarstva koji su izdali otpremni iskaz.

Rok važnosti otpremnog iskaza se određuje za svaki konkretan slučaj, zavisno od udaljenosti i ostalih uslova prevoza, ali ne može biti duži od 48 sati.

Produženje važnosti otpremnog iskaza uz ovjeru, vrši lice koje je izdalo otpremni iskaz ili drugo službeno lice koje ga zamjenjuje.

Član 9.

Za šumske drvene proizvode koji se nalaze u prometu, a nisu snabdjeveni otpremnim iskazom, pod čime se podrazumijeva pokretanje iz šume od panja i prevoz saobraćajnicama, izvršit će se privremeno oduzimanje (zaplijena) uz izdavanje odgovarajuće potvrde i pohranjivanje do konačnog rješenja nadležnog suda o izricanju zaštitne mjere oduzimanja.

Član 10.

Obrasci otpremnog iskaza propisani članom 4. ovog pravilnika sastavni su dio ovog pravilnika.

Član 11.

Ovaj pravilnik stupa na snagu osmog dana od objavljivanja U "Službenom listu RBiH".

Broj 07-021-2187/94

12. maja 1994. godine

Sarajevo

Ministar za privredu
mr Faruk Smailbegović, s. r.

Pravno lice: -----
Radna jedinica: -----
Gospodarska jedinica: -----
Opština: -----

Odjel: -----

OTPREMNI ISKAZ No -----
za cijepane šumske proizvode
Registarski broj bloka -----

Vlasnik šume -----
Mjesto ----- Naziv šume -----
Broj uplatnice -----
Broj ugovora -----
Oznaka i broj šumskog čekića -----
Boja -----
Primalac-kupac -----
Mjesto, datum i vrijeme utovara -----
Mjesto otpreme -----
Vrsta i registarski broj -----
transportnog sredstva -----
Pravac prevoza -----
Rok važnosti otpremnog iskaza -----

Vrsta drveta	Vrsta proizvoda	Količina
UKUPNO		

Datum izdavanja -----
Važnost produžetka
roka do -----
Lice koje je predužilo
rok važnosti i -----
M. P.

Proizvode
izdao

proizvode
primio

Pravno lice: -----
Radna jedinica: -----
Gospodarska jedinica: -----
Opština: -----

Odjel: -----
Mjesto -----
Serija -----
OTPREMNI ISKAZ No -----
za tehničko oblo drvo
Registarski broj bloka -----

Vlasnik šume -----
Mjesto ----- Naziv šume -----
Broj ugovora - potvrde za kupovinu -----
Broj uplatnice -----
Oznaka i broj šumskog čekića -----
Boja -----
Primalac-kupac šumskih proizvoda -----
Mjesto, datum i vrijeme utovara -----
Mjesto otpreme -----
Vrsta i registarski broj -----
transportnog sredstva -----
Pravac prevoza -----
Rok važnosti otpremnog iskaza -----

Vrsta drveta	Rodni broj	Proiz- vodi	Dužina m	Pronjer cm	Količina m
	1				
	2				
	3				
	4				
	5				
	6				
	7				
	8				
	9				
	10				
	11				
	12				
	13				
	14				
	15				
	16				
	17				
	18				
	19				
	20				
	21				
	22				
	23				
	24				
	25				
	26				
UKUPNO					

Datum izdavanja -----
Važnost produžetka roka do: -----
Lice koje je produžilo rok -----
M. P.

Proizvode
izdao

Proizvode
primio

225

Na osnovu člana 124. stav 5. Zakona o državnoj upravi - Prečišćen tekst ("Službeni list RBiH", broj 26/93), u vezi sa članom 16. Uredbe sa zakonskom snagom o vršenju vanjskih poslova ("Službeni list RBiH", br. 19/92, 24/92 i 27/93), ministar vanjskih poslova, donosi

UPUTSTVO

O ZAPOSILJAVANJU RADNIKA U DIPLOMATSKO-KONZULARNIM PREDSTAVNIŠTVIMA REPUBLIKE BOSNE I HERCEGOVINE

1. Prilikom zapošljavanja radnika, u skladu sa odredbom člana 16. Uredbe sa zakonskom snagom o vršenju vanjskih poslova prednost među kandidatima, koji ispunjavaju iste uslove, imaju ratni vojni invalidi.

2. Prilikom predlaganja za zapošljavanje radnika na neodređeno vrijeme, na određeno vrijeme i za angažovanje po ugovoru o djelu, šefovi diplomatsko-konzularnih predstavništava obavezni su da, između kandidata koji ispunjavaju iste uslove, prednost daju ratnim vojnim invalidima.

3. Ovo uputstvo stupa na snagu danom objavljivanja u "Službenom listu RBiH".

Broj 01-623/94

12. maja 1994. godine
Sarajevo

Ministar vanjskih poslova
dr Irfan Ljubijankić, s. r.

Po izvršenom savjetovanju sa izvornim tekstom utvrđeno je da su se u tekstu Uredbe sa zakonskom snagom o izmjenama i dopunama Zakona o javnom redu i miru, koja je objavljena u "Službenom listu RBiH", broj 13/93, potkrale niže navedene greške, pa se daje

ISPRAVKA

UREDBE SA ZAKONSKOM SNAGOM O IZMJENAMA I DOPUNAMA ZAKONA O JAVNOM REDU I MIRU

U članu 3. u stavu 1. umjesto riječi: "5.000 do 25.000" treba da stoje riječi: "250.000" do 1.250.000".

U stavu 2. umjesto broja "10.000" treba da stoji broj "500.000".

U stavu 3. umjesto broja "5.000" treba da stoji broj "250.000".

U stavu 4. umjesto broja "3.000" treba da stoji broj "150.000".

U stavu 5. umjesto broja "500" treba da stoji broj "25.000".

U članu 4. u stavu 1. umjesto riječi: "20.000 do 100.000" treba da stoje riječi: "1.000.000 do 5.000.000".

U stavu 2. umjesto broja "10.000" treba da stoji broj "500.000".

U stavu 3. umjesto riječi: "10.000 do 25.000" treba da stoje riječi: "1.000.000 do 2.500.000".

U članu 5. u stavu 2. umjesto broja "15.000" treba da stoji broj "1.500.000".

U stavu 3. umjesto broja "5.000" treba da stoji broj "500.000".

U stavu 4. umjesto broja "10.000" treba da stoji broj "1.000.000", a umjesto broja "5.000" treba da stoji broj "500.000".

U stavu 5. umjesto broja "25.000" treba da stoji broj "1.250.000".

U članu 6. umjesto broja "25.000" treba da stoji broj "2.500.000", a umjesto broja "5.000" treba da stoji broj "500.000".

U članu 9. umjesto riječi "predmetnog" treba da stoji riječ "prethodnog".

Član 10 treba brisati.

Član 11. postaje član 10.

PR broj 1517/94

12. maja 1994. godine
Sarajevo

Zamjenik generalnog
sekretara Predsjedništva RBiH,
Alija Selimović, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 395. Ustava Republike Bosne i Hercegovine i člana 72. tačka 2. Poslovnika Ustavnog suda Bosne i Hercegovine, na sjednici održanoj 18. 4. 1994. godine, donio je

ODLUKU

Utvrđuje se da odredba člana 5. Uredbe sa zakonskom snagom o provođenju odluke republičkog referenduma ("Službeni list RBiH", broj 3/93) i Odluka o utvrđivanju prečišćenog teksta Ustava Republike Bosne i Hercegovine, sa Prečišćenim tekstom Ustava koji je njen sastavni dio ("Službeni list RBiH", broj 5/93), prestaju da važe.

Produžava se za četiri mjeseca rok za usklađivanje odredaba članova 2. i 4. Uredbe sa zakonskom snagom o provođenju odluke republičkog referenduma sa Ustavom Republike Bosne i Hercegovine.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine, Odlukom U broj 8/93, od 23. 9. 1993. godine ("Službeni list RBiH", broj 20/93), utvrdio je da odredbe članova 2, 4. i 5. Uredbe sa zakonskom snagom o provođenju odluke republičkog referenduma i Odluka o utvrđivanju prečišćenog teksta Ustava Republike Bosne i Hercegovine, sa Prečišćenim tekstom Ustava koji je njen sastavni dio, nisu u saglasnosti sa Ustavom Republike Bosne i Hercegovine.

Odluka je 18. 10. 1993. godine dostavljena Predsjedništvu Republike Bosne i Hercegovine, od kada je, u smislu stava 2. člana 395. Ustava Republike Bosne i Hercegovine, počeo teći rok od šest mjeseci za usklađivanje osporenih akata sa Ustavom.

Ustavni sud je 18. 4. 1994. godine primio zahtjev Predsjedništva Republike Bosne i Hercegovine u kome se traži produžavanje roka za usklađivanje navedenih akata sa Ustavom. U zahtjevu se navodi da se radi o veoma značajnim ustavnim aktima čije razmatranje zahtijeva složen rad i da je Skupština RBiH, na posljednjem zasjedanju, donijela zaključak da su se stekli uslovi da Skupština vrši svoje Ustavom utvrđene nadležnosti.

Razmatrajući zahtjev Predsjedništva, Ustavni sud je prihvatio da u odnosu na članove 2. i 4. Uredbe postoje razlozi koji opravdavaju produžavanje roka u smislu člana 395. stav 3. Ustava Republike Bosne i Hercegovine, a da takvi razlozi ne postoje kada je u pitanju član 5. Uredbe i Odluka o utvrđivanju prečišćenog teksta Ustava Republike Bosne i Hercegovine, sa Prečišćenim tekstom Ustava koji je njen sastavni dio.

Stoga je odlučeno kao u dispozitivu.

Odluka U broj 8/93

18. aprila 1994. godine
Sarajevo

Predsjednik

Ustavnog suda BiH,
prof. dr Ismet Dautbašić, s. r.

Ustavni sud Bosne i Hercegovine, na osnovu člana 395. Ustava Republike Bosne i Hercegovine i člana 72. tačka 2. Poslovnika Ustavnog suda Bosne i Hercegovine, na sjednici održanoj 15. 4. 1994. godine, donio je

ODLUKU

Utvrđuje se da odredba člana 32. stav 7. Zakona o eksproprijaciji ("Službeni list RBiH", broj 12/87 - prečišćeni tekst i 38/89) u dijelu koji glasi: "ali ne po isteku osam godina od dana pravosnažnosti rješenja o eksproprijaciji", prestaje da važi.

Ova odluka objaviće se u "Službenom listu RBiH".

Obrazloženje

Ustavni sud Bosne i Hercegovine, Odlukom U broj 35/92 od 2. 9. 1993. godine ("Službeni list RBiH", broj 20/93), utvrdio je da odredba člana 32. stav 7. Zakona o eksproprijaciji u dijelu koji glasi: "ali ne po isteku osam godina od dana pravosnažnosti rješenja o eksproprijaciji", nije u saglasnosti sa Ustavom Republike Bosne i Hercegovine.

Odluka je 8. 10. 1993. godine dostavljena Predsjedništvu Republike Bosne i Hercegovine, od kada je, u smislu stava 2. člana 395. Ustava Republike Bosne i Hercegovine, počeo teći rok od šest mjeseci za usklađivanje osporene odredbe Zakona sa Ustavom. Pošto u Ustavom utvrđenom roku Skupština Republike Bosne i Hercegovine, odnosno Predsjedništvo Republike Bosne i Hercegovine, nije uskladilo odredbu člana 32. stav 7. Zakona o eksproprijaciji sa Ustavom, Ustavni sud je, saglasno članu 395. stav 4. Ustava Republike Bosne i Hercegovine, donio odluku kao u dispozitivu.

Odluka U broj 35/92
15. aprila 1994. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

Državni zavod za statistiku BiH

SAOPŠTENJE - SAOPĆENJE O PROSJEČNOM MJESEČNOM ČISTOM LIČNOM/OŠOBNOM DOHOTKU ZA MART/OŽUJAK 1994. GODINE

1. Prosječan čist lični/osobni dohodak po radniku u Republici Bosni i Hercegovini za mjesec mart/ožujak 1994. godine iznosi 2.597.737 BHD. U odnosu na prethodni mjesec indeks je 184,0.

2. Prosječan čist lični/osobni dohodak po radniku u privredi Republike Bosne i Hercegovine za mjesec mart/ožujak 1994. godine iznosi 2.152.528 BHD. U odnosu na prethodni mjesec indeks je 181,0.

3. Prosječan čist lični/osobni dohodak po radniku u vanprivredi Republike Bosne i Hercegovine za mjesec mart/ožujak 1994. godine iznosi 4.515.878 BHD. U odnosu na prethodni mjesec indeks je 229,0.

4. Prosječan čist lični/osobni dohodak po radniku u Republici Bosni i Hercegovini za period januar/siječanj-mart/ožujak 1994. godine iznosi 1.945.487 BHD. U istom periodu prošle godine je iznosio 138.503 BHD.

5. Prosječan čist lični/osobni dohodak po radniku u privredi Republike Bosne i Hercegovine za period januar/siječanj-mart/ožujak 1994. godine iznosi 1.596.105 BHD. U istom periodu prošle godine prosječan čist lični/osobni dohodak je iznosio 154.972 BHD.

6. Prosječan čist lični/osobni dohodak po radniku u vanprivredi Republike Bosne i Hercegovine za period januar/siječanj-mart/ožujak 1994. godine iznosi 3.317.512 BHD. U istom periodu prošle godine prosječan čist lični/osobni dohodak je iznosio 92.824 BHD.

7. Zajamčeni čist lični/osobni dohodak za period april/travanj-juni/lipanj predstavlja 70% prosječnog čistog ličnog/osobnog dohotka privrede Republike Bosne i Hercegovine za period januar/siječanj-mart/ožujak 1994. godine, što iznosi 1.117.273 BHD.

Broj 105
13. maja 1994. godine
Sarajevo

Direktor
dr Hasan Zolić, s. r.

Na osnovu člana 85. tač. 1-11. Uredbe sa zakonskom snagom o računovodstvu ("Službeni list RBiH", broj 2/92), Državni zavod za statistiku, utvrđuje

KOEFICIJENTE

RASTA CIJENA I KOEFICIJENTE RASTA TROŠKOVA ŽIVOTA U RBiH U APRILU/TRAVNJU 1994. GODINE

1. Mjesečni koeficijent rasta cijena proizvođača industrijskih proizvoda u mjesecu aprilu/travnju 1994. godine u odnosu na prethodni mjesec je 0,034.

2. Koeficijent rasta cijena proizvođača industrijskih proizvoda od početka godine do kraja aprila/travnja je 1,270.

3. Koeficijent prosječnog mjesečnog rasta cijena proizvođača industrijskih proizvoda od početka godine do kraja aprila/travnja je 0,840.

4. Koeficijent rasta cijena proizvođača industrijskih proizvoda u mjesecu aprilu/travnju 1994. godine u odnosu na isti mjesec prethodne godine je 27,220.

5. Mjesečni koeficijent rasta cijena na malo u mjesecu aprilu/travnju ove godine u odnosu na prethodni mjesec je 0,023.

6. Koeficijent rasta cijena na malo od početka godine do kraja aprila/travnja je 0,690.

7. Koeficijent prosječnog mjesečnog rasta cijena na malo od početka godine do kraja aprila/travnja je 0,590.

8. Koeficijent rasta cijena na malo u aprilu/travnju 1994. godine u odnosu na isti mjesec prethodne godine je 36,740.

9. Koeficijent rasta prosječnih troškova života u aprilu/travnju 1994. godine u odnosu na prosjek prethodne godine je 5,200.

Broj 106
13. maja 1994. godine
Sarajevo

Direktor
dr Hasan Zolić, s. r.

Društveni fond za penzijsko i invalidsko osiguranje Bosne i Hercegovine

Na osnovu člana 30. Zakona o osnovnim pravima iz penzijskog i invalidskog osiguranja ("Službeni list SFRJ", br. 23/82, 77/82, 75/85, 8/87, 65/87, 87/89 i 44/90), koji je preuzet kao republički zakon Uredbom sa zakonskom snagom o preuzimanju saveznih zakona koji se u Bosni i Hercegovini primjenjuju kao republički zakon ("Službeni list RBiH", broj 2/92), i člana 84. Statuta Društvenog fonda za penzijsko i invalidsko osiguranje ("Službeni list SRBiH", broj 25/91), direktor Društvenog fonda za penzijsko i invalidsko osiguranje Bosne i Hercegovine, izdaje

SAOPŠTENJE

O USKLADIVANJU PENZIJA I NOVČANIH NAKNADA SA KRETANJEM LIČNIH DOHOTAKA U FEBRUARU 1994. GODINE

1. Starosne, invalidske i porodične penzije i penzije vojnih osiguranika (u daljem tekstu: penzije), novčane naknade po osnovu preostale radne sposobnosti za osiguranike samostalnih djelatnosti i druge osiguranike koji nisu u radnom odnosu, novčane naknade od dana završene rehabilitacije do dana zapošljavanja djece omctene u fizičkom ili psihičkom razvoju, novčane naknade za tjelesno oštećenje i novčane naknade za pomoć i njegu (u daljem tekstu: novčane naknade), usklađuju se sa kretanjem ličnih dohotaka svih zaposlenih radnika u Republici Bosni i Hercegovini u februaru 1994. godine u odnosu na januar 1994. godine i smanjuju se za 23,364% od 1. marta 1994. godine.

2. Usklađivanje iz prethodne tačke primjenjuje se na iznos penzije i novčane naknade nakon usklađivanja po Saopštenju o usklađivanju penzija i novčanih naknada sa kretanjem ličnih dohotaka u januaru 1994. godine ("Službeni list RBiH", broj 9/94).

3. Invalidske penzije određene po članu 36. stav 2. Statuta Društvenog fonda za penzijsko i invalidsko osiguranje Bosne i Hercegovine, kod kojih penzijski osnov predstavlja lični dohodak ostvaren u periodu od 1. januara do 31. januara 1994. godine usklađuju se sa kretanjem ličnih dohotaka u februaru 1994. godine u odnosu na prosječan lični dohodak iz januara 1994. godine i smanjuju za 23,364% počev od dana sticanja prava na penziju.

4. Povećanje iz prethodne tačke primjenjuje se na iznos penzije određene od penzijskog osnova.

5. Zajamčena penzija koja se obezbjeđuje osiguranicima iz člana 43. stav 1. Zakona o penzijskom i invalidskom osiguranju

("Službeni list SRBiH", br. 38/90 i 22/91), nakon uskladijanja od 1. marta 1994. godine iznosi 983.565 BHD.

6. Najniži iznos penzije koji se obvezuje osigurancima iz člana 43. stav 2. Zakona o penzijskom i invalidskom osiguranju nakon uskladijanja od 1. marta 1994. godine iznosi 280.908 BHD.

7. Uskladijanje penzija i novčanih naknada po ovom saopštenju vršice se po službenoj dužnosti bez donošenja rješenja.

8. Ovo saopštenje objaviće se u "Službenom listu RBiH".

Broj BD-01-142/94

10. maja 1994. godine

Sarajevo

Pomoćnik direktora

Zijad Ekinović, s. r.

PEČATI-ŠTAMBILJI

Oglašavaju se nevažećim i van upotrebe pečati i štambilji preduzeća ŠIPAD-KOMERC, d. d. - P. O. Sarajevo koji, pored firme preduzeća - Preduzeće za trgovinu proizvodima šumarstva i prerade drveta, d. d. - P. O. Sarajevo, sadrže i oznaku naziva njegovih poslovnih centara koji su ukinuti i prestali sa radom i to: 1. P. C. "SARAJEVO" Sarajevo; 2. P. C. "NAMJEŠTAJ" Sarajevo; 3. P. C. "GRADEVINSKI MATERIJALI" Sarajevo; 4. P. C. "NABAVKE" Sarajevo; 5. P. C. "DRVO PROMET" Sarajevo; 6. P. C. "BEOGRAD" Sarajevo; 7. P. C. "GRADA PROMET" Beograd; 8. P. C. "IMPEX" Sarajevo.

(so-131/94)

REGISTRACIJE

Upisuje se u Registar predstavništava stranih lica u Republici Bosni i Hercegovini, pod brojem RPSL-1. Predstavništvo SMS Data Systems Ges. m. b. H. Beč, Austrija, sa slijedećim podacima:

1. Predstavništvo SMS Data Systems Ges. m. b. H. Beč, Austrija, sa sjedištem u Sarajevu, ul. Matije Gupca br. 9.

2. Djelatnost predstavništva je: istraživanje tržišta, prethodne i pripreme radnje za zaključivanje ugovora o izvozu i

uvozu elektronske opreme, telekomunikacionih i radio sistema, ugovora o razvoju sistema hardvera i softvera za subjekte u Bosni i Hercegovini i ugovora o dugoročnoj proizvodnoj kooperaciji, poslovno-tehničkoj saradnji i stranim ulaganjima.

3. U predstavništvu je zaposleno 3 lica.

4. Lice ovlašteno za potpisivanje u ime Predstavništva je Ninoslav Kešeljević, rukovodilac Predstavništva.

(so-132/94)

Upisuje se u Registar predstavništava stranih lica u Republici Bosni i Hercegovini, pod brojem: RPSL - 2. Predstavništvo Sikra GmbH Ausenhandel Und Technicher Service, Minhen, Njemačka, sa slijedećim podacima:

1. Predstavništvo Sikra GmbH Ausenhandel Und Technicher Service, Minhen, Njemačka, sa sjedištem u Sarajevu, Kalemova 44.

2. Djelatnost predstavništva je: istraživanje tržišta, prethodne i pripreme radnje za zaključivanje ugovora o izvozu bosansko-hercegovačke robe i usluga i o uvozu kojim se unapređuje i razvija proizvodnja i ugovora o dugoročnoj proizvodnoj kooperaciji, poslovno-tehničkoj saradnji i stranim ulaganjima.

3. U predstavništvu je zaposleno 2 lica.

4. Lice ovlašteno za potpisivanje u ime Predstavništva je Nedim Stambol, direktor Predstavništva.

(so-136/94)

Kod Višeg suda u Sarajevu rješenjem UF/I-1809/93 upisano je u sudski registar u rg. ul. br. 1-9860 promjena sjedišta privatnog preduzeća za inženjering-marketing-export-import "SV & SN", p. o. Sarajevo slijedeće podatke:

U privatnom preduzeću "SV & SN" za inženjering-marketing-export-import, p. o. Sarajevo, registrovanog kod Osnovnog suda udruženog rada rješenjem br. U/I-533, reg. broj 1-9860 od 06. 03. 1992. godine, mijenja se sjedište Preduzeća, koje je bilo u Ulici Dragice Pravice br. 21-23. Novo sjedište nalazi se u Sarajevu, Ulica VI proleterske brigade broj 13.

(so-127/94)

SADRŽAJ

- 218 Uredba sa zakonskom snagom o izmjenama Uredbe sa zakonskom snagom o kupovini i prodaji određenih roba i za strana sredstva plaćanja 177
- 219 Odluka o izboru Ratnog predsjedništva Skupštine opštine Ljubinje 177
- 220 Odluka o razrješenju i izboru sudija redovnih sudova 177
- 221 Odluka o izgradnji magistralnog digitalnog radio-relejnog sistema Mostar-Sarajevo-Zenica-Tuzla 178
- 222 Odluka o izmjenama Odluke o visini naknade za korišćenje podataka premjera i katastra nekretnina 178
- 223 Rješenje o imenovanju delegata Republike Bosne i Hercegovine u Međunarodnom uredu za zaraze sa sjedištem u Parizu 179
- 224 Pravilnik o sadržaju i izdavanju otpremnog iskaza za drvo 180
- 225 Uputstvo o zapošljavanju radnika u diplomatsko-konzularnim predstavništvima Republike Bosne i Hercegovine 182

Ispravka Uredbe sa zakonskom snagom o izmjenama i dopunama Zakona o javnom redu i miru 182

USTAVNI SUD BOSNE I HERCEGOVINE

Odluka o utvrđivanju da odredba člana 5. Uredbe sa zakonskom snagom o provođenju odluke repu-

bličkog referenduma ("Službeni list RBiH", broj 3/93) i Odluka o utvrđivanju prečišćenog teksta Ustava Republike Bosne i Hercegovine sa Prečišćenim tekstom Ustava koji je njen sastavni dio ("Službeni list RBiH", broj 5/93), prestaju da važe 182

Odluka o utvrđivanju odredbe člana 32. stav 7. Zakona o eksproprijaciji ("Službeni list RBiH", broj 12/87 - prečišćeni tekst i 38/89) u dijelu koji glasi: "ali ne po isteku osam godina od dana pravosnažnosti rješenja o eksproprijaciji", prestaje da važi 182

DRŽAVNI ZAVOD ZA STATISTIKU BiH

Saopštenje - saopćenje o prosječnom mjesečnom čistom ličnom/osobnom dohotku za mart/ožujak 1994. godine 183

Koeficijenti rasta cijena i koeficijenti rasta troškova života u RBiH u aprilu/travnju 1994. godine 183

DRUŠTVENI FOND ZA PENZIJSKO I INVALIDSKO OSIGURANJE BOSNE I HERCEGOVINE

Saopštenje o uskladijanju penzija i novčanih naknada sa kretanjem ličnih dohodaka u februaru 1994. godine 183